



*D. O. M.*  
**T H E S E S**  
*ANATOMICO-CHIRURGICÆ.*

---

**DE HERNIA INCARCERATA.**

---



**T**UMOR in genere, idem sonat atque corporis eminentia : hæc autem (*a*) est secundum naturam, ut caput, venter, juncturae, &c. vel supra naturæ modum, ut mammae lacte turgentes, venter prægnantium &c. vel præter naturam, ut omnis tumor naturales actiones lædens. Herniæ ad posterius illud tumoris genus merito referuntur : cum enim à viscerum in abdominis cavo contentorum procidentia oriuntur, functiones ab illis pendentes lædunt necessario. Differunt Herniæ ratione loci, contentorum, gradus, &c. atque sub diverso illorum respectu, in inguinales, crurales, ombilicales ; intestinales ; completas, incompletas, &c. dividuntur. Altera quoque est Herniarum differentia ex eo deducenda quod partes plus minusve constringantur, atque adeo facilius reponantur vel difficilius ; priores liberae, posteriores vero incarceratae dicuntur. De

(*v*) Hieronim. Fabricii ab Aquâpendente, P. II. l. I. c. I.

A





illis tantum, sequentibus agere animus est, illudque argumentum eo libentius suscipimus, quod pleræque operationes describendæ, hujus ce Collegii Magistrorum doctrinæ atque sagacitati debeantur.

Hernia inguinalis, enteroceles, epiploceles, atque entero-epiploceles nuncupatur, prout intestina, vel omentum, vel utraque simul illam constituunt. Eam quoque ab urinarîâ vesicâ efformari non infrequens est. Enterocles incarcerationæ signa diversa sunt; vel enim minima pars canalis intestinalis, vel integra illius diameter, ipsum-ve intestinum plicatum, obliquè descendens musculi annulo (a) coarctatur. Primo in casu tumor adest in inguine, cutis colorem non immutans atque summè renitens. Mox colicis doloribus à tumore oriundis, nauseis, febris, quandoque etiam constipatione & vomitu tentatur æger, totumque abdomen plus minus intumescit. At vero secundo in casu tumor major est, isque ad infimam scroti partem ut plurimum extenditur. Vomitus & constipatio citiùs ingruunt; assumpta primùm evomit æger, mox bilem flavam aut viridescentem, ipsasque fæces per os rejicit; totum horret corpus, omniaque alia accidentia intensissima evadunt, donec prolapsæ partes putri gangrenâ exedantur. Tunc autem remittunt dolores, subsidit abdomen, cessat vomitus, singultus accedit: tumor mollis fit & lividus, extrema frigent, pulsus inæqualiter pulsat, & vires frequenter deficient.

Enteroceles strangulatione cognitâ, partium repositio, taxis opetentanda est. Ut autem faciliùs succedat, supinus recumbere debet æger, capite, cruribusque paululùm inflexis, pectoreque nec-non natibus, lumbis elatioribus. Tum chirurgus, partes alterâ manu versùs ilai spinam repellit leniter, dum alterâ annuli loco appositâ, eas ab ulteriori prolapsu defendit. Maximè verò cavendum est, ne dum prædicta adhibetur methodus, caput pulvinaribus magis aut minus quam par est elevetur. Si enim depressius sit, sternomastoidei, nec non recti abdominis musculi in contractionem aguntur; sin verò sublimiùs, collum nimis inflectitur, compressaque trachæa arteriâ respiratio parva fit & frequens, atque repositio difficilior evadit. Illam tutiùs ac certiùs cessuram esse dicitur, si ægrôtus in genua cubitosque procumbat, ita ut illis innitatur, capite interim pendente.

(a) Annulum, seu aperturam vasis spermaticis in viro, ligamentisque uteri rotundis in muliere transmittendis inservientem, trium latorum abdominis musculorum concursu fieri, vulgaris fuit Anatomistarum opinio. Observabis in inguine, inquit Joann. Riolanus, Encheirid. Anat. L. II. cap. xii. perforationem tendinum musculorum abdominis alternatim dispositam, ut detur transitus, &c. Dicit Verrheien Tract. II. cap. vi. aperturam musculorum abdominalium, eo factam esse artificio, ut illa in musculo transverso sit notabiliter altior, quàm in ascendente, & in hoc altior quàm in descendente, ita ut fiat transitus omninò obliquus. Hanc sententiam amplecti videtur celeb. Winslow. Verùm aperturam illam solo obliquo descendente efformari cum Heistero atque sagaciss. Morgagni asserere possumus, cum obliquè ascendens transversisque tendines, non foramine, neque ut externi obliqui tendo solet, dimidiato foramine pertusi, sed integro suo inferiore limbo, spermaticis vasis transversim superpositi reperiuntur.



Musculis enim, hoc fitu quàm maximè relaxatis, visceribusque proprio pondere ad diaphragma descendentibus, prolapsa retrahuntur intestina, sæpiusque spontè fugiunt. Alium adhuc situm, prosperè tentasse quidam asserunt (a); is autem in eo consistit, ut æger inverso capite, femoribusque sursum elevatis, aliquamdiu contineatur.

Si tanta sit annuli constrictio, ut intestina reponi nequeant, venæ sectiones instituendæ sunt, eæque pro diversâ ægroti temperie, atque accidentium gravitate, plus minus iterari debent. Jubent plerique ut sanguis ad lypothimiam usque in primâ venæ sectione educatur, quod quidem optimè ut plurimum succedit. Fomenta, cataplasmataque emollientia tumori superimponenda sunt. Vult Heisterus (b) ut Nicotianæ fumus, per fistulam ad id accommodatam in alvum immittatur, illumque non raro opem ferre Platnerus asserit (c). Purgationem alii (d) commendant; alii tandem fomentorum astringentium usum (e), frigidiorisve aquæ asperisionem laudant. Hæc autem media, incipiente morbo innocua, eodem inveterato pessima videntur. Dum enim fibrarum actionem intendunt, annuli constrictionem augent necessario, gangrænamque citiùs accersunt.

Peractâ enterocæles reductione, omnia plerumque cessant accidentia, nihilque ferè præter Bracherii usum ægro præcipiendum superest: quandoque è contra graviora fiunt (f); atque æger in summum vitæ discrimen adducitur. Intestina tunc ab ipsomet sacco adhucdum constringi suspicari potest. Res autem certior evadit, 1° si Hernia vetus sit eaque bracherio per longiùs temporis intervallum fuerit coercita; 2° si intestina subito & absque sonitu retrocesserint; 3° si saccus eodem momento repositus fuerit; 4° que tandem, si digiti profundius in anulum immissi extremo, solidum corpus occurrat. De ægri salute hoc in casu conclamatum est, nisi partes denuò relabantur; harum autem descensui favent, erectus ægroti situs, deambulatio, tussis, sternutatio, vomitus, &c. Statim atque renascitur tumor ad operationem properandum est. Hæc quoque necessaria evadit, quotiescumque intestina, prædictis mediis reponi non potuerunt. Quonam autem morbi tempore celebrari debeat, inter omnes non convenit; quidam enim illam citiùs, quidam verò seriùs institui volunt. Verùm hanc litem componere facillimum est, si ad accidentium naturam, eorumque numerum attendatur.

Operatio juxtâ sequentem normam institui debet. Supinus collocatur æger, capite cruribusque paululùm inflexis, pectoreque necnon natibus lumbis elatioribus. Chirurgus deindè cutem vel attollit,

(a) Scharp. Recherch. critiq. sur l'état de la Chirurg. Schacker de Morb. à situ intestinor. mut. T. III. collect. Haller. Quosdam tamen methodum illam absque successu adhibuisse certò novimus. Aliundè vix concipimus quomodo ægersitum illum servare possit, ob summam dolorem atrocitatem.

(b) Chirurg. P. II. sect. v. cap. cxiv. p. 740.

(c) Inst. Chirurg. p. 513.

(d) Scharp. Recherch. p. 27.

(e) Bellosse Chirurg. d'Hop. p. 14. Arnaud Trait. des Hern. T. I. p. 92.

(f) Le Dran Observ. de Chirurg.



atque ministro unâ ex parte continendam præbet, dùm illam alterâ ex parte sustinet, vel sinistrâ manûs digitis intendit: tùm obliquâ sectione, juxtâ tumoris longitudinem scalpello recto institutâ, eâdemque specilli fulcati ope, hinc inde dilatatâ, cellularem textum hamulo aut volsellis apprehendit, atque scalpello paululùm incurvo; cautè refecat, vel summis digitorum discerpit apicibus. Detectum postea saccum, forficibus in longum aperit, variumque prolapsi intestini statum explorat. Volebat celeberr. Petit, ut (a) in Herniis minoribus & recentioribus, saccus undequaque denudaretur, atque dilatato annulo, cum contentis partibus, in abdomen reponeretur. Verùm enimverò, quamvis constet vulnus hâc methodo citiùs ad cicatricem perducendum esse, ea tamen vix usurpanda videtur, cum intestinorum inflammatio facillimè in gangrænâ abeat, majorque vel minor feri putridi quantitas in sacco ferè semper reperitur.

Intestinum annulo constrictum, vel sanum est & ab omni cohæsione liberum, vel vicinis sacci parietibus, aut sibi met ipsi cohæret, vel tandem gangrænâ jamjam afficitur. Si sanum sit & ab omni cohæsione liberum, pars canalis intestinalis ipsi continua, ex abdomine educenda est, ut nempè flatus & fœces partem strangulatam distendentes, in majus spatium expansi illius repositioni minùs reluctentur. Verùm tanta est quandoque annuli contractio, ut intestina ex abdomine educi nequeant. Annulus hoc in casu vel scalpello recto specilli fulcati ope, vel scalpello incurvo globuloque armato, vel gastricis Petiti, Morandi, Dranisque scalpellis dilatandus est: utrumverò dilatio illa, spinam ilei versùs, aut versùs lineam albam instituenda sit, varios inter autores non (b) constat. Nos illam versùs utramque partem celebrari posse arbitramur, cum epigastrica arteria, inguinali Herniæ supponatur (c), adeoque instrumentorum acie, nequidem attingi valeat. Resecto annulo, prolapsi intestini reductio, utriusque manûs indice ita fieri debet, ut alterno motu, leniter, atque versùs ilei spinam repellatur. Deindè si Hernia completa fuerit, pars tegumentorum & hernialis sacci forficibus refecanda est. Glomus deindè è linteo minutim conciso fabrefactum, desensivoque medicamento imbutum annulo superponitur; vulnus linteo carpto adimpletur, appositisque spleniis, apparatus fasciâ in spicam circumductâ continetur.

Si verò intestinum vicinis sacci parietibus, aut sibi met ipsi adhæreat, perpendendum est, an illa cohæsiō recens sit, an vetus. Primò enim in casu, partes digitorum extremo facillimè à se invicem diducuntur, atque operatio juxtâ methodum superiùs indicatam perficitur; at secundo in casu difficilior evadit illarum separatio, eaque vix tuto celebrari potest; ab omni ergo sectione abstinendum. Verùm tamen annulum dilatare necesse est, at nempè sublatâ stran-

(a) Garengot Trait. d'Oper. T. I. p. 313.

(b) Dilatationem versùs lineam albam fieri debere arbitrantur Platner. p. 530. Garengot T. I. p. 323. commendat verò D. De la Faye, Operat. de Dionis. p. 344. ut versùs spinam ilei celebretur.

(c) Le Dran Trait. d'Oper. p. 122.



gulationis causâ, symptomata à viscerum compressione oriunda evanescent, vulnusque ad cicatricem, juxta cognitâ artis legis perducatur.

Si tandem intestinum gangrænâ jam jam afficiatur, varia esse debet curatio (a), prout minima pars tubi intestinalis, vel integra illius diameter, vel tandem ipsummet intestinum plicatum, tendineis annuli fibrâs constringitur. Primò cum maxima pars tubi intestinalis annulo comprehenditur, dilatatione nullâ opus est: timendum è contrâ foret, ne si institueretur utilissima solveretur partium cohæsiô, fœcesque in abdominis cavum effunderentur. Intestinum scalpello aperire, vel corruptas illius partes penitus abscindere sufficit. Descriptus deindè apparatus, excepto glomere, vulnere admovetur, illudque postea mundatur & conglutinatur. Secundò, cum integra intestini diameter in tumore coercetur, vix diversa esse debet curatio, nisi fœces alvinæ diutius per vulnus effluant, pristinumque iter, minorativis etiam medicamentis, enematibusque laxantibus adhibitis, difficilius recipere videantur. Artificialem enim anum (b), hoc in casu, turundâ crassiore & longiore, in partem intestini superiorem assiduo immisâ efformare fatius est, quàm vulnus diutè longius protractæ ope ad cicatricem perducere. Eventus namque Chirurghi spem seriùs ociùs falleret, intestinaque cicatricis loco constricta & indurata brevi ingurgitarentur, atque æger vel colicis doloribus perpetuò tentaretur, vel disrupto tandem intestinali tubo supremum diem obiret.

Tertio, intestinum plicatum atque corruptum, annulo cohæret, vel non. Quando vicinis partibus annectitur, eadem fiunt ac in casu præcedenti. Quando verò ab omni cohæsiône liberum est, vult illustr. D. de la Peironnie, ut pars ipsi continua ex abdomine educatur, omnesque putredine confectæ partes rescindantur. Sana deindè intestini extrema sibi invicem approximare jubet, atque plicâ in mesenterio institutâ, eaque futura idoneâ firmatâ, fili ope, propè annulum contineri præcipit. Methodum ab illâ diversam excogitavit D. Ramdhor atque pari cum successu celebravit. Cum enim partem intestini duos pedes, longam atque corruptam in enterocèle incarceratâ rescasset, superius extremum in inferius immisit, & utrumque futurâ idoneâ, non longè ab annulo detinuit. Hæc methodus præstantior foret, si (c) partes sibi met ipsis per aliquot horas permitterentur, vinoque interea tepido foverentur, atque potio oleosa ægro exhiberetur; sic enim intestina contentas evomerent sordes, eorumque extrema facilius & certius à se invicem discernerentur. Cæterum quæcumque ex hisce methodis celebrata fuerit, vulnus plumaceolis adimpleri, apparatusque fasciâ inspicam circumductâ contineri debet.

Epiplocèle incarceratam ab illâ enterocèles specie, in quâ pars tubi intestinalis minima coercetur, distinguere difficillimum est; iisdem enim stipatur accidentibus; scilicet tumor apparet in inguine,

(a) Vid. D. Louis Dissertatio super Herniis incarceratis in quibus partes gangrænâ jam jam afficiuntur, Tom. III, Commentar. Reg. Chir. Acad.

(b) D. Louis loc. cit.

(c) D. Louis loc. cit.



cutis colorem non immutans atque summè renitens. Deindèverò mor-  
sus ventriculi, nausæ, febris, constipatio, vomitus, & alia super-  
veniunt accidentia, eaque ægrum excruciant donec partes restituan-  
tur, vel illarum inflammatio, in suppurationem aut in gangrænam  
abeat. Tunc autem tumor mollis fit & lividus, atque obscuram in mediâ  
sui parte fluctuationem exhibet. Epiploceles repositio, mediis suprà  
recensitis tentanda est. Quod si verò eorum ope obtineri nequeat, ad  
operationem est confugiendum: eam tamen absque di/crimine procrastinari  
posse, partis incarceratæ structura & usus evincunt.

Peractâ cutis & sacci incisione, occurrit omentum. Illud autem  
sanum est, vel sacco adhæret, vel tandem jam jam computruit. Si  
sanum sit, in abdomen, dilatato prius annulo, reponendum est, vel  
(a) sibi met ipsi permittendum, prout major vel minor illius quan-  
titas annulo constringitur. Plures equidem, majorem omenti partem  
prolapsam, in abdomen recipi (b) nunquam posse arbitrantur, adeò-  
que ligari & extirpari debere: verùm Dranius (c) illam solo meso-  
coli elatere sæpius restitui asserit, Sharpiusque (d) illius obser-  
vationem multiplici experienciâ confirmat. Si omentum vicinis adhæ-  
reat partibus, eadem esse debet curatio, ac in eâ enteroceles  
specie in quâ intestinâ sibi met ipsi vel vicinis sacci partibus  
adnascuntur. Deniquè si jam jam computruerit, pars viciata propè sa-  
nam forcibus excindenda est. Methodum ab illâ diversam, multis  
commendari nos non latet. Volunt nempe ut omentum ex abdomine  
educatur, illudque ligaturâ in parte sanâ prius institutâ refecetur. Quid  
verò partem sanam præcidere opus est? Aliundè (e) methodum illam  
plurimis incommodis obnoxiam esse, ratio & experientia demonstrant.  
Vix enim institui potest quin corrugetur omentum, delicatior illius  
structura lædatur, majoraque illius vasa coarctentur, & abcessus in  
parte ligatâ fieri super canibus pluries observatum est. Entero-epi-  
ploceles incarceratæ diagnosim, prognosim & curationem ex prædic-  
tis deducendam esse nullus non videt. Id solum notandum est, quòd  
operatio magis quàm in enterocele, minùs verò quàm in epiplocele  
procrastinari possit, atque intestina, si modò sana fuerint, priora in  
abdomen reponi debeant.

Hernia vesicæ incarcerata simplex est (f), vel composita. Cùm  
simplex est, tumor adest in scroto renitens, æqualis, oblongus, atque  
hidrocele non absimilis, & æger doloribus, febri, vomitu singultu-  
que tandem corripitur. Cùm verò composita est, enteroceles signa  
simul exhibet. Herniam vesicæ simplicem acu triquetrà vacuare suffi-

(a) Le Dran Trait. d'Oper. p. 33.

(b) Garengot T. I. p. 333. D. de la Faye p. 346. Scarp. Rech. p. 48. ti-  
mendum esse dicit ne omentum aëri diutius expositum brevi putrescat, adeòque  
esse extirpandum; cùm verò omenti sani extirpationem temerariam superiùs ap-  
pellel, manifestèque pugnantiâ loquatur, veram illius auctoris sententiam cog-  
noscere difficillimum esse censemus.

(c) Loc. sup. cit.

(d) Loc. sup. cit.

(e) Vid. D. Pipelet Dissert. de omenti ligaturâ in T. III. Comment. Reg. Chir.  
Acad.

(f) Vid. D. Verdier Diss. de Herniâ vesicæ, T. III. Comment. Reg. Chir. Acad.



cit ; si tamen calculi , eductis aquis , in illius cavitate tactu percipi-  
perentur , idoneâ incisione forent educendi , vulnusque fistulæ in ve-  
ficam per urethram immisissæ , nec non idonei decubitûs ope , juxta  
cognitas Artis leges ad cicatricem perduceretur. Tumorem quoque  
aperiendum esse dicitur , annulumque dilatarî debere , quotiescum-  
que , peractâ punctione non remittunt accidentia ; verum casus ille ,  
nisi impossibilis sit , rarior saltem dicendus est. Quoad Herniam ve-  
ficæ compositam attinet , curationem ab enterocle , epiplocele , vel  
entero-epiplocele diversam non expostulat ; cavendum tamen , ne inter  
operandum , pars vesicæ cum sacco extirpetur , adeoque tegumenta  
& saccus , licet ampliora , intacta hoc in casu servari debent.

Quæ de Herniâ inguinali , à nobis hucusquè dicta sunt , ita  
cæteris competunt Herniarum speciebus , ut nihil de illis dicen-  
dum superesset , nisi quasdam exhiberent differentias , à diversâ  
locorum in quibus occurrunt naturâ , deducendas. Eas autem ordine  
prosequemur. 1°. Cum taxis in Herniâ crurali celebratur , partes li-  
neam albam versûs propellendas esse patet ob peculiarem ligamenti  
Vesaliani situm (a). Tegumentorum incisio , non solum juxta tumoris  
longitudinem , sed etiam transversè , vel in crucem , in illâ Herniâ in-  
stitui potest ; metuendum tamen ne dum posteriores adhibentur metho-  
di , vena saphæna glandulæque inguinales instrumenti acie , attingan-  
tur. Duplex sub cute reperitur saccus (b) externus scilicet & internus.  
Externus fit à cellulari textu cruralia vasa concomitante , nec non fibris  
quibusdam aponevroticis à fasciâ latâ oriundis : internus verò à perito-  
neo ; deniquè ligamenti dilatatio , lineam albam versûs , ob epigastri-  
cæ arteriæ situm , celebrari debet. 2°. Tegumenta in longum vel in  
crucem in exomphalo incidenda sunt , prout minor est , vel in majus  
volumen excrevit ; magnâ autem moderatione utendum est , cum sac-  
cus in illis crassior , in illis verò tenuior inveniatur , atque in aliis (c)  
absolutè deficiat. Differentia illa ex eo pendet , quod exomphalos in  
ipsomet umbilico fiat , vel in parte umbilici vicinâ enascatur. Cum fit  
in ipsomet umbilico , prolapsæ partes peritonæo solo involvuntur ,

(a) Non videtur cur ligamentum illud Fallopiæ appellatur , cum Fallop.  
in suis Observ. Anat. fateatur se nihil de ligamenti peculiare habere , Vesalius-  
que illud antea descripserit Lib. II. Cap. xxxi. Dum enim de masculo obliquè  
descendente agit , illius aponevrosim nulli parti adherere dicit , inter spinam ilei ,  
partemque pubis superiorem. Aliundè partem illam verum ligamentum non esse  
comprobat sagacis Morgagni Observationes. Resecto enim illius extremo per  
quod ossi pubis affigitur , unâ cum continuato musculi obliqui tendine , ad latus  
sensum inverso , evidentissimè comperiit , non peculiare esse ligamentum , sed  
imam tendinis ejusdem musculi oram. Vid. Morgag. advers. Anat. II. pag. 11.  
Vesal. Cowper. Heister. & alii plures , cum illo consentiunt.

(b) Le Dran Oper. de Chir. p. 137.

(c) Herniam umbilici per rupturam semper fieri asseruit Dionisius. Huic equi-  
dem opinioni plures adversantur observationes variis præstantissimisque Chirurgis  
institutæ. At verò non minis constat saccum hernialem in quibusdam desiderari.  
Sharpius arbitratur illum in minoribus herniis umbilicalibus semper adesse , atque  
disrumpi , cum in majus volumen extenduntur. D. de la Faye è contrâ saccum  
nullum reperiri dicit in illis herniarum speciebus , quæ fiunt in umbilici vicinâ ;  
verum experientia utriusque sententiæ minus consona esse videtur.



quandoque etiam disruptâ illâ membranâ sub tegumentis occurrunt. Cum verò in parte umbilici vicinâ nascitur, viscera peritoneo nec non aponevrotico quodam involacro defenduntur. Priorem exomphalos speciem à posteriore distinguere facillimum est; in illâ enim umbilici nodus, mediâ & dextrâ tumoris partem occupat, in alterâ verò situm incertum obtinet. Tandem si dilatatio necessaria sit, Herniaque enteromphalos fuerit, superiorem atque finistram partem spectare debet, si verò epiplophalos fuerit, vel entero-epiplophalos, in inferiore parte celebranda est.

3°. Hernia ventralis ab omphalocèle, quoad operandi methodum vix differt; exterior enim incisio, annulique dilatatio, eâdem ratione instituuntur. Verùm si tumor superiorem dextramque abdominis partem occuparet, isque foret enteromcelus, annulus dextrorsum & fursum necessario dilaretur: umbilicalis enim venæ sectionem, lethalem quandoque fuisse observatum est. Aliundè cum Hernia ventralis peritonei vulneribus sæpissimè succedat, nullum in illo casu saccum hernialem adesse notandum est, ut nempe operatio majori cum cautelâ perficiatur.

4°. Quamvis operationem in Herniâ foraminis ovalis incarceratâ semel institutam fuisse certum sit (a), cum nulla hoc in casu facta fuerit dilatatio, quânam ratione fieri debeat, experienciâ non novimus. Hanc tamen introrsum celebrari debere partis structura demonstrat. Imprimis autem in illius Herniæ curatione, cavendum ne tumor cum abcessu confundatur. 5°. Tandem, si descensus uteri vaginalem Herniam comitaretur, atque partes coarctaret, vel illæ pessario in modum annuli efformato comprimerentur, idoneus ægroræ situs foret conciliandus, pessariumve educendum, fugatisque deinde strangulationis accidentibus, aliud pessarium, obturamento simile, fasciolâque armatum in vaginam immitteretur.

(a) Vid. Dissertatio D. de Garengeot, super pluribus Herniis infrequentibus; T. I. Comment. Reg. Chirurg. Acad.

*Has Theses, DEO JUVANTE, & Præside M. RAPHAËLE-BENEVENTO SABATIER, Liberalium Artium & Chirurgiæ Magistro, nec-non Reg. Chirurg. Acad. Socio, tueri conabitur, THOMAS COSTE, Parisinus, in almâ Universitate Parisiensi Liberalium Artium Magister.*

P A R I S I I S ,

IN REGIIS CHIRURGORUM SCHOLIS.

*Die Veneris 2<sup>a</sup> Septembris anno salutis 1757, à sesqui-  
secundâ post meridiem ad septimam.*

PRO ACTU PUBLICO ET MAGISTERII LAUREA.

---

Typis Viduæ DELAGUETTE, Collegii & Academiæ Regiæ Chirurg.  
Typographi, viâ Jacobæâ, sub signo Olivæ.



verit (a). Plurimis id patet hinc & inde Observationibus. At hujus morbi fontem, in internis & externis causis reperire est. Quos etenim viderunt mœstitiâ compressos, diætâ pariori macilentos, ætatis pondere gravatos, sudoribus nimis debilitatos, venereâ, strumosâ, scorbuticâque lue consumptos, lumine salubri privatos stupuere. Frigus etiam externum, aër densior, calor maximus, fulgura (b), corporis cujuscumque radiantis conspectio, remediaque morbis in quibusdam minimi momenti organi visus imperitè & incautè usurpata, huic etiam malo dedisse non semel locum, quisquis exercitatus in arte, fatebitur. Partium etiam (c) atonia ictus violenti, contusiones, vulnera, cerebri affectus, liquidi inter id viscus congeries, phlegmon, erisipelas (d) oculos versus, huic malo anam dedere. Alias etiam causas alii, ab acidis (e) lympham coagulantibus, præsertim vegetalium repetierunt, & imprimis à victus ratione pessimâ in voraci quorundam hominum Societate in usum admissa: has opiniones nec affirmatas à nobis, ad incudem remittimus.

### §. VIII.

**DIAGNOSIS** hujuscè morbi perito artis oculo non effugiet, si attente partes labefactatas perpendere voluerit. Oriente morbo visus debilitatur, culices aut caliginosa quædam pilorum, lanarum (f), aut araneorum retibus similia, ægro- tantium oculi mentiuntur. Nubeculæ apparent subalbidæ, dein hebetatur, & tunc nubes subnigræ, ita ut corpora remotiora nequeant distinguî. Neque tamen ab intrinseco subito Cataractam enasci crediderimus (g), imò affirmamus num-

(a) Confer. Epistolam cel. D. Davielis ophtalmiat. Regii in Diario publico editam (*Mercure de France*, Juillet 1749) nec non Hallerii in Coment. ad Instit. Boërh. Tom. 3. celeberr. M. Morand suo in museo servat humorem vitreum ossæam habens duritiem cum cristallino propèmodum petrefacto.

(b) Cataractam à fulgure subito ortam scilicet viginti quatuor horas post ictum vidit in foeminâ nobili, M. Lebas, hujuscè Thesæos Præses clariss.

(c) Legantur, quæ de ea Scribu. in Dissert. J. Frid. Henckel, de Cataractâ cristallinâ.

(d) Dissert. supra relata.

(e) V. *Traité des Maladies de l'œil*, aucthore Antonio Maitre-Jean, quo in loco de Cataractarum causis loquitur.

(f) Sennertus de Suff. p. 1021. Signum verò illud non est æque certum Cataractam indicans, plerumque glaucoma pronuntiat.

(g) Si excipias, illas Cataractarum species, quæ ab ictu in oculo violenter inflicto procreantur, nam serè semper in hisce casibus Cataractam

*Suite de  
la thèse  
de M.  
Daviel*

*Transposita*



quam omnibus numeris illam fore absolutam, nisi priora de quibus sumus locuti, gradatim apparuerint signa: ergò, primo debilitas, dein hebetatio, tandem cristallini suffusio, oculi in cassum objecta quærentis in vadunt. Ut verò, Cataractam veram aut spuriam adesse penitus agnoscas, ex dicendis patebit. Veram salutaris, si demum pupillæ color à naturali recessus in album, subalbidum, griseum, margaritæ similem immutatus fuerit: si bulbus oculi resistens solidusque deprehendatur, & iris tandem plus minusve, semper tamen contrahatur & dilatetur; quod facilius tibi pollicemur, si enarrata absque dolore nec cruciatu præcesserint accidentia. Verum enim verò in hebetatione visus, morbo laborans, priusquam graviter aut planè afficiatur, obscurissime & veluti umbris suffusa deprehendet objecta; sique ad latus lentis affectæ circulum nigrescentem conspexeris, Cataracta cristallina constabit; quod in membranaceâ non animadvertitur: hæc etenim tenuior, planior, hærens que pupillæ observatur, circulus que nigrescens haud apparet, nisi fortè (quod eventurum non negamus) opacitas capsulæ nulla habuerit incrementa, diametrumque pupillæ non planè obturaverit (a). A verâ discerni spuriam Cataractam, id est glaucoma, non malè contendimus; cum opacitas glaucomatis retrò magis post pupillam videatur quasi fluctuans, colore subviride, cæruleo, vel subnigro tincta: imminutio atrophique bulbi dissoluto humore vitreo, animadvertitur, nullumque motum iris patitur, tandem glaucoma semper antecesserunt dolores capitis, frontis, temporum, imò ipsiusmet oculi. De aliis Cataractæ speciebus, illius v. g. in quâ distinguuntur filamenta, de illâ quæ fluctuans dicitur, sermonem habere prorsus inutile utpotè ad nostrum thema nullatenus necessaria.

#### §. IX.

**CONSIDERATIS** omnibus ac perpenſis, de Prognosi statim dicemus. Incipiente morbo nulla expectanda est medela, si Chirurghi manûs curam susceperit. Diæta Pharmaciaque

subitaneam enasci, cujus subiectum vel lens est cristallina, vel ipsius membrana.

(a) Non numquam cristallinus ut & membrana, imperfectè opacus remanet, quamvis à duodecim annis apparuerint prima Cataractæ signa (hæc est Catar. species, quæ vulgò immatura nominatur): huiusce casûs mentionem feci in Epistola, quam auctor. Perspicass. Diarii publici, quod *Journal des Sçavans* appellatur, mandavit, mense Februarii an. 1756.



opem suppeditabunt forsan : admotum si fuerit opacitati lentis cristallinæ, glaucoma, malum, & à Chirurgo dubium auxilium, dubius, imò inutilis labor. De fluctuante nihil boni plerumque sperandum : difficilis cura : faciliior veræ curatio. Ut autem felicem exitum, quâ in operatione spondere sibi possit Chirurgus, nihili refert si opacitas totum occupet cristallinum corpus, si sit illud firmum, consistens, faciliè extrahetur : quod mollior vero, eo faciliior opera. Ne tamen cogites, illam maturam agnoscere debere (ut vulgò loquuntur) ad operationis aptitudinem, in solâ ægotantium cæcitate id reponimus. (a) Sunt qui, esse periculum in morâ & aut paralysem exoriri posse autumant, aut capsulam uveæ adherentem fore. Tunc, (inquiunt) sollicito Operatori sudorem præstabit : verum illas utpotè vanas & erroneas opiniones rejicimus. Nihil mali ominis Cataracta vera, id est nullo alio malo concomitata, pollicebitur, licet planè vel partim opaca, solida lens vel mollis, membranacea vel cristallina, cœhærens vel non, antiquior aut recentior, &c. sique & contractionis dilatationisque pupilla motus planè non amiserit ; quæ tamen omnia quanquam felicem pronuntient exitum, in promittendis cautus admodum sit necesse Chirurgus vel exercitissimus in Arte, ob difficultates non semel instrumento peritissimè ducto offensas ; etiam propter & pessimam plerorumque ægotorum corporis habitudinem.

## S. X.

*OBLATA* istius morbi gravitate ad remedium citius properandum. Sed cum peccaverint fluida aut spissitudine nimiaque tenuitate, seligenda esse à morbi principio, multi continent remedia, quorum vi, lentis cristallinæ condensatio fugiatur : & hæc in diureticis, imò epispasticis cautè administratis quærunt, eorum salinæ acrique potentiæ nimium fidentes, & hæc excerpunt è regno animali nec non vegetabili. Cæterum prætermittis hisce omnibus quæ consentanea magis censita fuerunt, pro datâ morbi causâ : licet spes affulgeat salutis, nullam certam ab iis sperandam fore, profamur. Cum à partium solidarum vitio ortus sit morbus, id est aut toni amissione, aut laxitate fibrarum liquores circuitu prohibentur, imò incrassantur, stagnant & indurescunt, quod & agnosces (ut

(a) Consul. in Act. Reg. Acad. Chir. sententiam Patris amantissimi. Illa cæcitas non perfecta quidem requiritur, sed in eo sensu deprehend potest, ut ægotantes præter lumen & colores, nihil videant.



aiunt) nimio sanguinis aliorumque humorum in vasa oculi affluxû, tunc missione sanguinis repetitâ, pro statû, & ægri viribus, ad remedia diluentia, attenuantia, roborantia, purgantiaque convertere suadent, quod nec optimum, imò inutile, quibudam in casibus nocivum proclamamus. Cum ergò lens cristallina opaca primum, opacior dein, eo usque opacitatis pervenerit, ut nisi operationis officio nihil sit certioris curationis sperandum, ad illam nec morâ confugiendum: sed occurrunt methodi plurimæ è quibus certissimam tutissimamque seligere, opus & labor!

## §. XI.

Cum finem non attingeremus, si varias methodos, quæ hætenus invalere ex quo morbus innoluit, recensere vellemus: illis amotis, de *Extractione* tantum colloquemur. Ut variè autem celebratur à variis extractio, diversos operandi modos paucis verbis enarrare & in seriem redigere necessum arbitramur. Primus per celeberrimum M. Lafaye forficum usû amoto, scalpello in manubrio fixo utitur, lamella ipsius tenuior convexaque dorso juxta longitudinem viginti circiter linearum, latitudinemque duarum, secans in uno tantum latere si apicem excipias, in quâ dorsum circiter duas lineas scindens, reperitur ut facilius pungatur cornea, &c. Invenit Chirurgus sagax, hodie in Nosocomio Charitatis Parisiensi Ordinarius, instrumentum aliud cujus figura & modus utendi in Actis Acad. R. Chir. pag. 353. & Tab. XX. reperiuntur: à supra relatâ vix differt, quam ob causam silentio prætermittimus. Chirurgus Londinensis (a) peritissimus, methodum & instrumentum ex cogitavit, quæ non multum à methodo & instrumento D. de Lafaye discrepant. (b) Méritiss. M. Tenon huic instrumento in Thesi suâ (c) aliquid sui hanc sanè ut perficeret, addidit. Ut autem aperiatur membrana lentis instrumentum exhibet, quod aliæ methodi non usurpant. Latitudinem lineæ unius huic dedit, tres autem lineas longitudinis sustulit. Surrexit in posterum alius scalpellum suum esse jactitans, cujus figura ad dimidium partis ascendentis liliæ accedit, corneæ que non secus ac inf-

(a) D. Scharp.

(b) Utramque Methodum Perp. in Actis Reg. Acad. Chir. Tom. 2. descript.

(c) Vid. Thesim de Cataractâ, propugnatam in Reg. Chirur. Scholis, anno 1757. die vero 14 Janu. Præfide M. Andouillé.



trumenta supra dicta refecandæ inservit. Ipse autem, multiplicem excogitavit operandi viam & numerosiora ut devitaret instrumenta, duplex addidit, (a) sic que vitando Carybdim, incidit in Syllam. Alias methodos enarrare non suscipimus, utpote tempus & opera urgent: cæterum in unâquâque nihil nisi ferè consentiens, itaque si expositâ nostrâ methodo, excellentiam ipsius & præstantiam præceteris dillucide probaverimus, amotâ unâ, omnes esse amovendas, abundantius patebit.

## S. XII.

NOSTRA porrò, non solum ab auctoribus maximi momenti, (b) sed & ab Academiâ Regiâ Chirurgorum Pariensium laudatâ, sic se habet methodus. Humili sede sedendus æger, ita ut collocetur ex adversâ luce, oculus sanus fasciâ deligatus ministro committitur, & ægri reclinatâ paululùm facie, Chirurgus acum plano convexam, mirtiformem, ex utroque latere secantem, manubrio vulgari instructam, in corneam versùs limbum inferiorem immittit. Mox apprehensis forcibus (c) corneam ad utrumque latus, ad dimidiâ usque partem secat, deinde instrumento (d) cochlearis figuram exhibente, partem corneæ resectam elevat, immissoque specillo minimæ latitudinis & crassitiei, secante vero, membranam lentis plures in partes dividit. Jam conatû leviori exit cataracta: quibus perfectis, absente quâlibet pupillæ opacitate, apparatus idoneus protinus est succedendus, sexque diebus intactus ex Doctrinâ nostrâ colendus, valeat ut natura succos salubres, cicatricem que op. imam suppeditantes, partibus læsis impendere: nec fascia amoveatur propter cicatricis rupturam, quæ facilis, si oculus vel levissimè

(a) Utitur ille hamulo volsella que. Primum instrumentum ad conjunctivam arripiendam, ut sistant oculi motus. Secundum verò corneæ resectæ limbum tenet, ut facilius incidatur membrana lentis, utrumque medium prout frustraneum, imò prorsus nocivum respicimus.

(b) Perlege quæ de ea scripta remanent in utiliss. Diction. Enciclop. ad Lit. C. & variis in Diariis publicis, nec non in elegantiori clariss. D. Segwart Themate, cui titu. De extrac. Catar. ultra perficienda. His accedit D. Vermale Epist. Acad. Reg. Chir. Socii, necnon olim SS. Electoris Palatini Chir. Præcipui.

(c) Vid. horumce Instrum. descrip. in Actis Reg. Chir. Acad. Tab. XIX. modumque utendi pag. 345.

(d) Quo etiam ultissimè utimur post extrac. Cataractam, ad ejus frustula tollenda, si remanserint.



moveatur. Lecto recumbat æger, deinde diatâ, sanguinis missionibus, sitû arcebuntur accidentia: cætera natura perficiet. Casus pertimescendi si qui sint, primâ aut alterâ die post operationem, medentis oculis affulgebunt, tunc pro casû, repetitâ plus minusve sanguinis mittendi copiâ, illiniantur oculi, fasciâ nec amotâ, decoctione emoliente nec non resolutivâ; attendas tamen ad sequentia. Si caput laboret aut pungitivè aut gravativè, si tumescat conjunctiva, Chirurgo videndum, an ab iride intrâ corneam arreptâ non procreentur. Quod si fiat, in priorem statum probè collocanda est pars peccans, sique iterum illa egrediatur, ob imminuentem nimiam & gravem malorum catervam, excisio fiat: cuncta evanescent. Præter hæc omnia, ulterius est malum non minus prioribus, quod præcipuè in senibus contingit à palpebrâ relaxâ & intûs inversâ, pili tunc corneam, brevi ad cicatricem perducendam fricant, opusque naturæ benignæ impediunt, ope emplastrorum aglutinantium, aut etiam per instrumentum parti accommodatum, palpebra in sitû continenda. Vix duodecima dies plerumque illuxerit, aëri oculus æger permittendus, sub nigrâ tamen fasciâ, valeat ut & organum, istius elementi impressiones, intactum pati.

His omnibus rectè perficiendis, ne credas quod abundè sufficiant instrumenta duo. Pro variis Cataractarum speciebus, in quibus potest in usum mitti nostra methodus, variis diversimodè utemur instrumentis. Si duritiem majorem, imo & amplitudinem adepta sit lens cristallina vitiata, & nixum intensiorem pupillam ineundo ipsi inferat: dividenda iris aptè, peritè, levitèque, tunc ampliùs foramen pupillæ, liberum exitum Cataractæ permittit. In hisce casibus timendum, ne majori cum violentiâ detrahatur uvea, unde orientur inflammatio, dolores acutissimi, ipsamet tota bulbi supuratio. Lentis vero mollioris post exitum cochleare nostrum in posteram lentis lamellam immitendum, ut Cataractæ portiunculas, siquæ supersint, suspensâ manû avellantur. Cum autem lactis figuram & consistentiam exhibet, in quo casû fere semper crassa, imò & opaca deprehenditur capsula, ejus iisdem præmissis quæ antea descripsimus, vosseliæ ope, apprehendetur (illa ut ita dicam) cystis & pededentim è loco probè foras ejicietur. Si fortuito casû ab instrumento vel pungente vel secante læsa lens cristallina, in Cataractæ speciem degeneraverit, sæpe sæpius accidit, ut è membranâ erumpat, & in partem globi ca-



dat inferiorem : utraque lamella successive sibi invicem juncta, phlogosi inflammationeque, cum ipsa humoris vitrei membranâ adheret. Tunc Cataracta merè membranosa animadvertitur, nihilominus tamen nostrâ methodo illud vitium apprehendi & extrahi potest, & licet in casu, pars humoris vitrei effluat, sine tamen violentiori conatû; nihil obstat, quominus pristinum recuperet gradum, & sanus remaneat visus : præsertim ex ipsius humoris vitrei redintegratione.

### §. XIII.

NUNC nobis incumbit paucis verbis probandum, quânam methodo tutius elaboraverit Chirurgus. Absit ut illa ab auctoribus tentamina superius relata vituperemus : nisi experientia multiplex excellentiam forficum iterum atque iterum debellatorum indicasset, lubenter his methodis assentiremur : (a) Sed experimentorum quadringentorum & amplius, auctoritate prosperâ nixos, ab inceptâ rectâ viâ digredi non facile. Neque censor objiciat, methodum in quâ scalpello utuntur, nihil mali procreare : nam sic contra. 1°. Corneam posteaquam punxerint in cameram anteriorem introducta acus, præcipitanter equidem, fit sectio : sed peccant instrumenta illa secantia, ex eo quod non describant, nec appositè possint describere lineam semicircularem exaratam in conjunctione corneæ cum scleroticâ, tum ob illorum superficiem convexam, cum propter bulbi involuntarias agitationes. 2°. Corneæ resectio etiam difficilius & imperfectius celebrabitur, quo in casu cavati oculi, vel parvi deprehenduntur. 3°. Aliundè labitur humor aqueus primo punctiois tempore, & iris effluxum sequitur : tunc que, proh dolor ! Sæpe sæpius dilaniatur illa membrana sectione finiente, (b) pro majori vel minori ipsius distentione & dilaceratione, majora minorave accidentia nascentur, & eadem, quæ à tunicarum internarum commotione & disruptione oriri solent : v. g. conjunctivæ & adnatæ phlogosis, sensim gravior inflammatio, dolores capitis, frontis, dentium, vomitus, palpebrarum tumefactio, ipsiusmet globi, cui moles tunc ampla accedit, illius supuratio, visus tandem jactura irreparabilis. 4°. Quoties autem non accidit, ut in

(a) Et in eo nobis cum planè consentit nostræ methodus Auctor exercitatiss.

(b) Hujusce rei habemus testem fideliss. clariss. D. Louis.



illis cochleari deficiente methodis, nova in posterum appareret Cataracta five penderet à cristallini vitriati portiunculis in membranâ relictis, five ab ipsâmet membranâ malè resectâ, quæ quidem aliquando opaca evadit: 5°. Hisce quam maximi momenti imperfectionibus adde, cicatricem inæqualem, maculatam, staphilomata, inextinguibilem lacrymarum profusionem; proinde conjunctivæ ruborem, subalbidam nubem jam in corneæ margine, mox in totâ ejus substantiâ expansam: hanc, ut ut sit, rem non solum in methodum, sed in malam & incongruam deligationem, rejiciendam testamur.

#### §. XIV.

ABSOLUM sanè videbitur alicui, quod, urgente casu, secanda sit iris, exitusque humori vitreo possit permitti, cum aliundè id negamus in methodo auctorum suprâ citatorum, arguendâ at si attenderit rerum scrutator, quod multum discrepet sectio Arte facta, à distentione partium & dilaceratione, exitus que facilis humorum, ab effluxû violento; nos non à veritate recedere sanè judicabit. Neque ut sit infirma conclusio, harumce enucleandæ methodorum imperfectiones (quod nec difficile nec onerosum) & addemus non hîc veluti in deprimendâ Cataracta punctio sola requirit, sed iter certo certius, per totum corneæ diametrum acui præbendum curâ maximâ: & unius momenti nec labor nec opus: semetipsum sefellit, qui promptus nimium in agendo laborem contempsit utilem. Non de intricatâ nimis difficultate loquemur quâ commodè oculus à Chirurgo detinerur, dum corneam ad latus pungit (oculus enim versùs angulum majorem detorquetur) & illo in statu imperfecta foret operatio, ni ophthalmiater, ipsummet oculum digito manûs non laborantis, propelleret, ut æqualiter ab utroque oculi cantho pupilla distet ægrotantis, & ab ipsius puncto centrali, ad illum pupillæ operantis linea recta ducatur, operatioque perficiatur: molestia non levis! Sed aliundè ut hæc instrumenta in usum mitti possint, dextra sinistrave ocularii, æqualiter sit apta labori oportet; quis comodum securumque majus negaverit, cum sola dextra perfecto labori sufficiat? In methodis etiam nostræ extraneis, quid præterea pertimescendum? Brachio operantis nullo modo sustentato, corneam inter & membranam lentis incidendam, ictus feret in cautos facillimè vacillante manû, & commovebitur oculus, rumpi vasa interna poterunt



poterunt. His accedunt majora difficillimè de bellanda. Neminem enim horumce Authorum latet, non semel eodem momento, quo absoluta fit corneæ sectio, Cataractam ipsammet cum majori vitrei corporis parte, foras violento impetu ejici, ob nimiam muscutorum bulbi contractionem determinatam, ab instrumento in corneam trajecto, cujus vi antrorsum oculus attrahitur, operantis adhibito conatu, partis ut inferioris corneæ sectio conficiatur. Quid pejus! Alia methodorum incommoda scribere pluribus cupidos, temporis limites præscripti vetant: supra allata, sat erunt.

### §. XV.

Descriptos hætenùs quarundam methodorum defectus; certiùs effugies, si encheiresim (§. XII.) nostram admitteris: ad illam perficiendam enim semper manus sufficit dextra, quæ nec in aëre suspensa, sed potius providè fulcita agit. Forficum usû aptè & secundum orbis lineam consonam, inciditur cornea. Si motus aliquis, ægrotantis agitatione pertimescendus, & oculus perversum situm molitur, amoveri possunt pro lubitù forfices absque ullo impedimento, & iterum immitti, occasione datâ, ut & perficiatur operatio. Sic nec læditur nec lædi potest iris, digitis ducentibus peritis. Accuratio corneæ incisio, cicatrix facilior, promptior, imò & perfectior remanet, ita ut vix ab inquirente mirantium oculo perspicui possit. Cui bono igitur inutili insudare operi, ut jam perfectâ methodo, perfectior inquiratur? Sanè in vanum anhelant, qui huicce objecto dant operam. Unde omnibus æquâ judicii lance consideratis, salutem in nostrâ certissimam, in illorum multò minus certam famur: utilitatis inde ratio postulat ut concludamus.

*Ergo. Cataractæ tutior extractio Forficum ope.*



